

**Siunnersuut uunga: Kalaallit Nunaannut suliffissarsiortut killilersimaarnissaat pillugu Inatsisartut inatsisaata allanngortinnissaa pillugu Inatsisartut inatsisaat (Inuit immikkut ittumik Kalaallit Nunaannut attuumassuteqartut isigineqarsinnaanissaannut tunngatillugu piumasaqaatinik allanngineq)**  
(Isumaginninnermut, Ilaqutariinnut, Suliffeqarnermut Nunamullu Namminermut Naalakkersuisoq)

### **Saqqummiussinermut allakkiaq**

(Isumaginninnermut, Ilaqutariinnut, Suliffeqarnermut Nunamullu Namminermut Naalakkersuisoq)

### **Siullermeerneqarnera**

Ukiuni ukunani sulisussaaleqisoqarpoq suliffissaaleqisullu ikillutik. Ukiuni tulluittuni susassaqaarfinni arlalinni soorlu sanaartornerup iluani aalisakkanillu suliffissuarni kiisalu takornariaqarnermi, utoqqarnik paaqqutarinninnermi assingusunilu sulisut amerlanerusut pisariaqartinneqarnissaat naatsorsuutigineqarpoq. Taamaattumik sulisitsisut inuussutissarsiutinillu ingerlataqartut sulisunik avataaneersunik pisariaqartitsippot. Tamatuma peqatigisaanik nunaqavissut sulisartut sapinngisamik sulinissamut periarfissaqarnissaat eqqarsaatigineqassaaq.

Siunnersuutikkut Kalaallit Nunaannut suliffissarsiortut killilersimaarnissaat pillugu inatsimmi atuutsinneqanngitsoq peerneqassaaq, taamaalillutik suliarortut avataaneersut inatsimmi pineqartut aappaat inooqataallu siunissami, ass. ilinniarsimanngitsutut ilinniarsimasutullu sulissagunik kommunimit akuersissuteqaaqartallissappot. Tassa imaappoq taakkununga pineqartunut atorfiit siunissami Naalakkersuisut nuna tamakkerlugu suliffissarsiuussisarnermi nittartakkani saqqummiunneqartallissappot, taamaalillutik nunaqavissut sulisartut atorfinnut qinnuteqarnissaminnut periarfissaqassappot. Atorfiit nunaqavissut sulisartumit inuttalerneqarsinnaanngippata avataaniit suliarortup aappaata inooqataataluunniit atorfinissinnaavoq.

Tamatuma saniatigut siunnersuut suliarortut avataaneersut Kalaallit Nunaannut suliffissarsiortut killilersimaarnissaat pillugu inatsimmi ilaatinneqanngitsut Kalaallit Nunaanni akissarsiorfiusumik atorfillit aappaannut inooqataannulluunniit sakkukilliliinerussaaq, tassani sulisunik qaffasissumik immikkut ilinniarsimasunik sulisussarsiornissap ajornannginnerulernissaa siunertaavoq. Assersuutigalugu nakorsamut aappaasinnaavoq.

Taamaaliornikkut siunnersuut sapinngisamik nunaqavissut sulisartut qaffasissumik sulisinnaassuseqarnissaannut tapertaassaaq tamatumalu peqatigisaanik sulisitsisut sulisussanik pisariaqartitsisut inuiaqatigiinnut iluaqutaasumik iliuuseqarsinnaassappot.

Taamatut amerlanngitsunik oqaaseqarlunga siunnersuut Inatsisartunut akuersaallaqqullugu oqallisigisassanngortippara.